




**XUNTA DE GALICIA**  
CONSELLERÍA DE TRABALLO  
E BENESTAR  
Dirección Xeral de Relacións Laborais

Edificio Administrativo San Lázaro, s/n  
15781 SANTIAGO DE COMPOSTELA



XACOBEO 2010  
GALICIA



Remítense resolución ditada polo director xeral de Relacións Laborais, pola que se acredita á entidade SANEA CONTROL, S.L.. para impartir o curso de coordinador/a en materia de seguridade e saúde nas obras de construcción.

O que se comunica para o seu coñecemento e efectos oportunos.

Santiago de Compostela, 4 de novembro de 2010.

O xefe do servizo de Seguridade e  
Saúde Laboral



José Ignacio Garrote Freire.

**José Antonio Gómez Serramito**  
**SANEA CONTROL, S.L.**  
**Avenida da Mahía, 106, Baixo**  
**15220 Ames**

Nº EXPTE: TR8542010/5-0  
ENTIDADE: SANEA CONTROL, S.L.,  
ENDEREZO: Avenida da Mahía, 106, baixo, 15220, Ames

Examinado o expediente de acreditación das entidades formativas para a impartición do curso de coordinador/a en materia de seguridade e saúde nas obras de construcción, esta Dirección Xeral de Relacións Laborais resolve en base aos seguintes antecedentes e fundamentación xurídica:

## ANTECEDENTES DE FEITO

**Primeiro.** En data de rexistro de entrada 31/08/2010 don José Antonio Gómez Serramito en representación da entidade SANEA CONTROL, S.L. presentou solicitude e documentación para os efectos de obter a acreditación das entidades formativas para a impartición do curso de coordinador/a en materia de seguridade e saúde nas obras de construcción.

**Segundo.** De conformidade co procedemento establecido no artigo 4 da orde de 12 de marzo de 2009, pola que se regula o procedemento para a acreditación das entidades formativas para a impartición do curso de coordinador/a en materia de seguridade e saúde nas obras de construcción, remítenselle copia da solicitude e documentación ó órgano técnico en materia de seguridade e saúde laboral na provincia de A Coruña. Consta no expediente o informe favorable emitido polo órgano citado, que se incorporou ó expediente administrativo en data 02/11/2010.

**Terceiro.** Na tramitación do expediente seguiuse o procedemento establecido para o efecto na normativa de aplicación e na Lei 30/1992, do 26 de novembro, de réxime xurídico das administracións públicas e do procedemento administrativo común, modificada pola Lei 4/1999, do 13 de xaneiro.

## FUNDAMENTOS DE DEREITO

**Primeiro.** A competencia para a resolución deste expediente correspóndelle ao titular da Dirección Xeral de Relacións Laborais da Consellería de Traballo e Benestar, de conformidade co artigo 11º do Decreto 153/2008, do 24 de abril, polo que se crea o Rexistro de coordinadores e coordinadoras en materia de seguridade e saúde nas obras de construcción, e co artigo 5º da orde de 12 de marzo de 2009, pola que se regula o procedemento para a acreditación das entidades formativas para a impartición do curso de coordinador/a en materia de seguridade e saúde nas obras de construcción.

**Segundo.** Considerando que o informe favorable emitido polo Centro de Seguridade e Saúde Laboral de A Coruña conclúa a procedencia de acceder ó solicitado tras verificarse o cumprimento dos requisitos establecidos como mínimos tanto no relativo ós medios materiais como docentes, é polo que debe accederse ao solicitado. A devandita autorización vincúlase ao cumprimento dos requisitos previstos nos artigos 2º e 8º da orde de 12 de marzo de 2009, pola que se regula o procedemento para a acreditación das entidades formativas para a impartición do curso de coordinador/a en materia de seguridade e saúde nas obras de construcción, debendo garantir o

Nº EXPTE: TR8542010/5-0  
ENTIDADE: SANEA CONTROL, S.L.,  
ENDEREZO: Avenida da Mahía, 106, baixo, 15220, Ames

cumprimento do proxecto presentado xunto coa solicitude que obra no expediente administrativo TR8542010/5-0

Conforme ao establecido no artigo 8º punto 3 da devandita Orde, a entidade deberá facer constar a resolución de autorización en calquera actividade de publicidade que realice referida ás actividades mencionadas.

**Terceiro.** Considerando que os informes evacuados serven de base á presente resolución, de conformidade co disposto no artigo 89.5 da Lei 30/1992, do 26 de novembro, de réxime xurídico das administracións públicas e do procedemento administrativo común “a aceptación de informes ou dictames servirá de motivación á resolución cando se incorporen ó seu texto”.

**VISTOS** O Decreto 153/2008, do 24 de abril, polo que se crea o Rexistro de coordinadores e coordinadoras en materia de seguridade e saúde nas obras de construción; a orde de 12 de marzo de 2009, pola que se regula o procedemento para a acreditación das entidades formativas para a impartición do curso de coordinador/a en materia de seguridade e saúde nas obras de construción, a Lei 30/1992, do 26 de novembro, de réxime xurídico das administracións públicas e do procedemento administrativo común, modificada pola Lei 4/1999, do 13 de xaneiro; e demais normas de aplicación,

Esta Dirección Xeral de Relacións Laborais,

**RESOLVE :**

1. Acreditar á entidade SANEA CONTROL, S.L. con CIF núm. B15968308 para desenvolver actividades formativas para a impartición do curso de coordinador/a en materia de seguridade e saúde nas obras de construción, co número de censo C-2010/13-0
2. A presente acreditación quedará subordinada á permanencia das condicións da autorización e ó cumprimento dos requisitos establecidos na normativa de aplicación.

Para tales efectos, esta Dirección Xeral, como autoridade laboral, resérvase o dereito de efectuar las comprobacións que considere necesarias respecto ó seguimento e control da actividade formativa que se autoriza. As actividades formativas que se realicen ao abeiro da presente acreditación deberán facer constar na súa publicidade o número de expediente administrativo.

3. A certificación da formación nas actividades formativas que se acreditan, condónase ó seguimento e valoración dos resultados das devanditas actividades desenvolvidas. Para tal efecto, con carácter previo ás certificacións, a entidade autorizada deberá presentar documentación acreditativa da efectiva realización da formación, conforme ó proxecto obrante no expediente, e documentación que avale os alumnos que superaron tal formación, co fin de que se efectúen as correspondentes comprobacións por esta Dirección Xeral que notificará, de ser o caso, a procedencia das certificacións.

Nº EXPTE: TR8542010/5-0  
ENTIDADE: SANE CONTROL, S.L.,  
ENDEREZO: Avenida da Mahía, 106, baixo, 15220, Ames

4. Notifíquese á entidade interesada a presente resolución para o seu coñecemento e para os efectos oportunos. Poderase interpoñer recurso de alzada contra ela ante a Conselleira de Traballo e Benestar no prazo dun mes contado a partir do día seguinte ó da súa notificación, de acordo co estipulado no artigo 114 e concordantes da Lei 30/1992 do 26 de novembro, de réxime xurídico das administracións públicas e do procedemento administrativo común, modificada pola Lei 4/1999, do 13 de xaneiro.

O que se lle notifica, para o seu coñecemento e efectos oportunos, a teor do disposto no artigo 58 da Lei 30/1992, do 26 de novembro, de réxime xurídico das administracións públicas e do procedemento administrativo común, modificada pola Lei 4/1999, do 13 de xaneiro.

Santiago de Compostela, 4 de novembro de 2010

O director xeral de Relacións Laborais



Odilo Martiñá Rodríguez